

Caso di Danny van der Linde contra pais Aruba

ORANJESTAD (AAN): Dialuna a tuma lugar un caso den corte cu Danny van der Linde a entama contra pais Aruba. Esaki pa huez ordena Gobierno pa trata señor van der Linde como e ambtenaar cu e ta.

Den e caso aki preguntá ta si van der Linde ta ambtenaar, pasobra Gobierno ta actuando contra dje, manera esaki no ta e caso.

Abogado Duijneveld representando señor van der Linde a splica huez cu no necesariamente ta asina cu

un 'hende ta ambtenaar solamente di e haya un landsbesluit riba esaki.

Segun e abogado, no tin ley cu ta stipula esaki. Tin dos criterio di cual cu uno mester worde cumpli, pa un persona ta ambtenaar.

Uno ta cu e organo di Gobierno mester tabata tin intencion di nombra e persona como ambtenaar y e otro ta cu mester tin circunstancia of hechonan cu ta haci cu e ambtenaar en cuestion por compronde cu el a bira ambtenaar caba.

Den caso di Danny van der Linde, ora cu tabata aparente cu AZV lo no inclui Podotherapie den su pakete basico, van der Linde a pidi minister e tempo ey pa nombre como ambtenaar. E minister ey na 2000 a bay di acuerdo cu esaki, pues van der Linde a huramenta riba 29 di Juni 2000.

Segun Duijneveld, e hecho cu no a bin un "Landsbesluit"

oficial riba e nombramento aki, no ta kita afo cu señor van der Linde mester worde considera un ambtenaar, tambe pasobra el a worde

duna e impresion cu e ta ambtenaar, pues e ora ey tampoco ta necesario pa bin un landsbesluit.

Tambe ta asina cu na 2001 van der Linde a haya e asina yama "buitengewone vrijstelling van dienst",

manteniendo su salario, cu ta un derecho cu solamente un ambtenaar tin.

Na September 2005 el a worde poni riba un asina yama "ffetelijk non actief" y esaki atrobe ta posibel pa un ambtenaar so, segun e abogado.

Na Mei 2006, Personnel en Organizatie a pidi van der Linde pa bin responsabiliza su mes, cu tambe ta algo cu no ta worde pidi di un hende cu no ta ambtenaar.

Ademas di esaki e abogado a trece dilanti cu conforma articulo 25 di LMA, van der

Linde a haya e 25 porciento di aumento, cu solamente un ambtenaar por haya.

No por tin ningun otro conclusion cu van der Linde ta un ambtenaar y mester worde trata como tal.

E abogado a trece dilanti na huez tambe cu e forma cu Gobierno a atende cu señor van der Linde, ta mustra un persecucion politico, di parti di Minister actual di Salubridad.

Ora cu señor van der Linde a anuncia cu e lo forma parti di otro partido na mei 2005, nan a para su

"terbeschikkingstelling".

Abogado Duijneveld a splica huez tambe cu hasta ora van der Linde tabata forma parti di e partido Geel, e tabata tin hopi problema cu Minister Wever.

Awor ta un coincidencia grandi cu net un tiki despues cu Directie Personnel & Organizatie a cay bao di Ministerio di Salubridad, salario di van der Linde na

April y Mei a worde para, sin ningun explicacion debido.

Ta te un ora prome cu e caso aki a worde entama, nan a duna señor van der Linde di conoce cu e lo worde paga back su salario.

Hecho ta cu retiro cu a worde

duna na señor van der Linde segun su abogado ta irregular y incorrecto segun stipulacion di Landsverordening Materieel Ambtenarenrecht.

Huez lo duna su decision riba 23 di Augustus.

Reaccion riba declaracion di ex-comisario Nectar

ORANJESTAD(AAN)—T abata tin varios reaccion relaciona cu cierto declaracion di ex comisario Nectar riba e alto comisario actual.

"Ta straño, segun varios skina, cu e ex-alto comisario ta manera punta dede den direccion di mr. Bernadina."

Nan no kier mete den e asunto aki pero no ta haya ta prudente pa apunta dede riba Bernadina riba supuesto binimento di un Alto

Comisario Hulandes.

"Nos lo ta masha corto y nos tin un solo pregunta. E famoso 50 mil cu a desaparece for di kluís, bao di kende su regimen, responsabilidad, esaki tabata cay, di sr. Bernadina of sr. Nectar, pa asina nos sigui debati riba tur cos comisario?" a ser punta.

Por lo pronto nan ta lague te aki sperando riba un contesta concreto, segun polisnan preocupa.

THE YELLOW RESOLUTION!!

AMI NO TA UN TERRORISTA!!
MI ORGANIZACION TA HATA
E FORSA DI COMEDRA SO!!



BEST DEAL

Tel: 5827100

(Pariba di Aruba Bank, Paradera)

LIVE

Awenochi

pa 7.30 pm

na

Tele

Aruba